



新訂

易經

校正

漢書門  
八〇九四號  
三六二冊

八〇九四  
二七三

內閣文庫	
番號	漢 8094
冊數	2 (1)
函號	273 9



易傳序

淺草文庫

易變易也。隨時變易以從道也。其爲書也。廣大悉備。將以順性命之理。通幽明之故。盡事物之情。而示開物成務之道也。聖人之憂患後世。可謂至矣。去古雖遠。遺經尚存。然而前儒失意以傳言。後學誦言而忘味。自秦而下。蓋无傳矣。予生千載之後。悼斯文之湮晦。將俾後人沿流而求源。此傳所以作也。易有聖人之道四焉。以言者尚其辭。以動者尚其變。以制器者尚其象。以卜筮者尚其占。吉凶消

長之理進退存亡之道備於辭推辭考卦可以知變象與占在其中矣君子居則觀其象而玩其辭動則觀其變而玩其占得於辭不達其意者有矣未有不得於辭而能通其意者也至微者理也至著者象也體用一源顯微無間觀會通以行其典禮則辭无所不備故善學者求言必自近易於近者非知言者也予所傳者辭也由辭以得其意則在乎人焉有宋元符二年己卯正月庚申河南程頤正叔序

周易

上經



乾上

乾元亨利貞○初九潛龍勿用○九二見龍在

田利見大人○九三君子終日乾乾夕惕若厲

无咎○九四或躍在淵无咎○九五飛龍在天

利見大人○上九亢龍有悔○用九見群龍无

首吉



坤下

坤元亨利牝馬之貞君子有攸往先迷後得主

乾陽也利宜也貞正而固也見龍之見賢通反惕他歷及厲危也无音無

无苦浪反

坤困魂反牝頻忍反

坤元

坤上

喪息浪反

利西南得朋東北喪朋安貞吉○初六履霜堅

括古活反結也

冰至○六二直方大不習无不利○六三含章

囊乃剛反

可貞或從王事无成有終○六四括囊无咎无

譽過實之名

譽○六五黃裳元吉○上六龍戰于野其血玄

黃○用六利永貞

屯張倫反

䷂ 震下 坎上

屯元亨利貞勿用有攸往利建侯○初九磐桓

班通還反

利居貞利建侯○六二屯如遭如乘馬班如匪

即就也

寇婚媾女子貞不字十年乃字○六三即鹿无

幾音機舍音捨

虞惟入于林中君子幾不如舍往吝○六四乘

膏潤也

馬班如求婚媾往吉无不利○九五屯其膏小

泣乞及反

貞吉大貞凶○上六乘馬班如泣血漣如

䷃ 坎下 艮上

蒙莫公反筮市制反瀆音獨

蒙亨匪我求童蒙童蒙求我初筮告再三瀆瀆

說吐活反與脫同釋音質楷古毒反

則不告利貞○初六發蒙利用刑人用說桎梏

包容也

以往吝○九二包蒙吉納婦吉子克家○六三

取七具反

勿用取女見金夫不有躬无攸利○六四困蒙

吝○六五童蒙吉○上九擊蒙不利為寇利禦

寇

䷀ 乾下 坎上

需音須待也

計正音訓

易經上

需有孚。光亨。貞吉。利涉大川。○初九。需于郊。利  
用恒。无咎。○九二。需于沙。小有言。終吉。○九三。  
需于泥。致寇至。○六四。需于血。出自穴。○九五。  
需于酒食。貞吉。○上六。入于穴。有不速之客。三  
人來敬之。終吉。

還召也

☵☰

坎下  
乾上

訟才用反爭辨也  
也。訟張栗反。塞也。

訟有孚。窒惕。中吉。終凶。利見大人。不利涉大川。  
○初六。不永所事。小有言。終吉。○九二。不克訟。  
歸而逋。其邑人三。無眚。○六三。食舊德。貞。  
厲。終吉。或從王事。无成。○九四。不克訟。復即命。

逋補吳反。逃竄也。  
也。置生領反。災復反也。即就也。

渝變更也。錫賜也。  
也。鑿步干反。

渝安貞吉。○九五。訟元吉。○上九。或錫之鞶帶。  
終朝三褫之。

褫敕紙反。奪也。

☷☷

坎下  
坤上

師兵衆也。律法也。  
也。否臧謂不善也。

師貞丈人吉。无咎。○初六。師出以律。否臧凶。○  
九二。在師中。无咎。王三錫命。○六三。師或輿。  
尸凶。○六四。師左次。无咎。○六五。田有禽。利執。  
言。无咎。長子帥師。弟子輿尸。貞凶。○上六。大君。  
有命。開國承家。小人勿用。

長丁丈反

☷☷

坤下  
坎上

比吉。原筮。元永貞。无咎。不寧方來。後夫凶。○初

比毗志反。親輔也。  
也。原再也。

丁正音訓

易經上

言正音謀  
匡方有反

誠戒也

畜勅六反

說吐活反與脫  
同音福反側  
也

學力專反

尚尊也

幾音機近也

六有孚比之无咎有孚盈缶終來有他吉○六  
二比之自内貞吉○六三比之匪人○六四外  
比之貞吉○九五顯比王用三驅失前禽邑人  
不誠吉○上六比之无首凶

坤下  
巽上

小畜亨密雲不雨自我西郊○初九復自道何  
其咎吉○九二牽復吉○九三輿說輻夫妻反  
目○六四有孚血去惕出无咎○九五有孚攣  
如富以其鄰○上九既雨既處尚德載婦貞厲  
月幾望君子征凶

兌下  
乾上

履虎尾不噬人亨○初九素履往无咎○九二  
履道坦坦幽人貞吉○六三眇能視跛能履履  
虎尾噬人凶武人為于大君○九四履虎尾愬  
愬終吉○九五夬履貞厲○上九視履考祥其  
旋元吉

乾下  
坤上

泰小往大來吉亨○初九拔茅茹以其彙征吉  
○九二包荒用馮河不遐遺朋亡得尚于中行  
○九三无平不陂无往不復艱貞无咎勿恤其

匪直結反齧也

坦吐但反眇妙  
小反陂波我反

愬山革反

夬古快反決也

茹汝據反彙音  
胃類也

包容也馮皮水  
反尚合也

陂彼偽反傾也  
恤憂也

祉福也

孚于食有福。○六四翩翩不富以其鄰不戒以孚。○六五帝乙歸妹以祉元吉。○上六城復于隍勿用師自邑告命貞吝。

坤下 乾上

否備鄙反閉塞也

否之匪人不利君子貞大往小來。○初六拔茅

茹以其彙貞吉亨。○六二包承小人吉大人否

羞耻也 嚙類也 離麗也

亨。○六三包羞。○九四有命无咎疇離祉。○九

繫維也

五休否大人吉其亡其亡繫于苞桑。○上九傾

否先否後喜。

離下 乾上

同人于野亨利涉大川利君子貞。○初九同人

于門无咎。○六二同人于宗吝。○九三伏戎于

莽升其高陵三歲不興。○九四乘其墉弗克攻

莽莫蕩反 墉垣也 號戶羔反 咷道刀反

吉。○九五同人先號咷而後笑大師克相遇。○

上九同人于郊无悔。

乾下 離上

大有元亨。○初九无交害匪咎艱則无咎。○九

二大車以載有攸往无咎。○九三公用亨于天

子小人弗克。○九四匪其彭无咎。○六五厥孚

交如威如吉。○上九自天祐之吉无不利。

亨讀為享 彭步郎反

謙亨 艮下 坤上

謙亨君子有終。○初六謙謙君子用涉大川吉。

○六二鳴謙貞吉。○九三勞謙君子有終吉。

○六四无不利撝謙。○六五不富以其鄰利用侵

伐无不利。○上六鳴謙利用行師征邑國。

坤下 震上

豫利建侯行師。○初六鳴豫凶。○六二介于石

不終日貞吉。○六三盱豫有悔遲有悔。○九四

由豫大有得勿疑朋盍簪。○六五貞疾恒不死

○上六冥豫成有渝无咎。

搗毀皮及揮也

豫餘慮反和樂也

盱香于反上視也

盍合也簪聚也

震下 兌上

隨元亨利貞无咎。○初九官有渝貞吉出門交

有功。○六二係小子失丈夫。○六三係丈夫失

小子隨有求得利居貞。○九四隨有獲貞凶有

孚在道以明何咎。○九五孚于嘉吉。○上六拘

係之乃從維之王用亨于西山。

巽下 艮上

蠱元亨利涉大川先甲三日後甲三日。○初六

幹父之蠱有子考无咎厲終吉。○九二幹母之

蠱不可貞。○九三幹父之蠱小有悔无大咎。○

隨從也

亨讀為享

蠱音古有事也

幹音干如木之幹枝葉之所附而立者也

訂正音誥



六四裕父之蠱往見吝○六五幹父之蠱用譽  
○上九不事王侯高尚其事

䷆ 兌下 坤上

咸感也

臨元亨利貞至于八月有凶○初九咸臨貞吉

○九二咸臨吉无不利○六三甘臨无攸利既

憂之无咎○六四至臨无咎○六五知臨大君

之宜吉○上六敦臨吉无咎

䷒ 坤下 巽上

觀官喚及盥音  
管潔手也鬮魚  
恭反

觀盥而不薦有孚顒若○初六童觀小人无咎

君子吝○六二闕觀利女貞○六三觀我生進

退○六四觀國之光利用賓于王○九五觀我

生君子无咎○上九觀其生君子无咎

䷲ 震下 離上

噬市制反齧也  
噬胡臘反合也  
校音教滅傷也  
趾足也膚方于  
反音昔

噬嗑亨利用獄○初九履校滅趾无咎○六二

噬膚滅鼻无咎○六三噬腊肉遇毒小吝无咎

○九四噬乾肺得金矢利艱貞吉○六五噬乾

肉得黃金貞厲无咎○上九何校滅耳凶

䷔ 離下 艮上

賁彼偽反飾也

賁亨小利有攸往○初九賁其趾舍車而徒○

六二賁其須○九三賁如濡如永貞吉○六四

須古鬚字

白波及白也

在干反

賁如皤如。白馬翰如。匪寇婚媾。○六五賁于丘園。束帛戔戔。吝終吉。○上九白賁无咎。

坤下 艮上

剝邦角反落也 剝滅也

剝不利有攸往。○初六剝牀以足。蔑貞凶。○六二剝牀以辨。蔑貞凶。○六三剝之无咎。○六四剝牀以膚。凶。○六五貫魚以宮人寵。无不利。○上九碩果不食。君子得輿。小人剝廬。

震下 坤上

復音服反復之 復芳福反又作覆 祗音抵抵也

復亨。出入无疾。朋來无咎。及復其道。七日來復。利有攸往。○初九不遠復。无祗悔。元吉。○六二

休美也

休復吉。○六三頻復。厲无咎。○六四中行獨復。○六五敦復。无悔。○上六迷復。凶。有災眚。用行師。終有大敗。以其國君凶。至于十年不克征。

震下 乾上

獲黃郭反 側其反 音餘

无妄元亨利貞。其匪正有眚。不利有攸往。○初九无妄往吉。○六二不耕獲。不菑畲。則利有攸往。○六三无妄之災。或繫之牛。行人之得。邑人之災。○九四可貞。无咎。○九五无妄之疾。勿藥有喜。○上九无妄行。有眚。无攸利。

乾下 艮上

訂正音訓

易經此

已夷止反說吐  
活反解也  
福曰當為日月  
之日固習也  
古毒反獲符云  
反衢其俱反路  
也

頤以之反口旁  
也養也舍音捨  
柔垂也顛倒也  
拂違也經常也

耽丁南反

棟丁貢反繞乃  
教反曲折也  
在夜反薦也  
繩徒詹反根也

坎苦感反

審徒坎反

枕針甚反謂支  
倚也貳副也

大畜利貞不家食吉利涉大川○初九有厲利  
已○九二輿說輟○九三良馬逐利艱貞日閑  
輿衛利有攸往○六四童牛之牯元吉○六五  
豮豕之牙吉○上九何天之衢亨

震下  
艮上

頤貞吉觀頤自求口實○初九舍爾靈龜觀我  
朵頤凶○六二顛頤拂經于丘頤征凶○六三  
拂頤貞凶十年勿用无攸利○六四顛頤吉虎  
視眈眈其欲逐逐无咎○六五拂經居貞吉不  
可涉大川○上九由頤厲吉利涉大川

巽下  
兌上

大過棟撓利有攸往亨○初六藉用白茅无咎  
○九二枯楊生稊老夫得其女妻无不利○九  
三棟撓凶○九四棟隆吉有它吝○九五枯楊  
生華老婦得其士夫无咎无譽○上六過涉滅  
頂凶无咎

坎下  
坎上

習坎有孚維心亨行有尚○初六習坎入于坎  
窞凶○九二坎有險求小得○六三來之坎坎  
險且枕入于坎窞勿用○六四樽酒簋贰用缶

新在者訓

易經止

音抵抵也

離許章反離音也  
墨真之鼓反置也

離麗也音許六反錯七各反

蓋田節反

沱徒河反

醜類也

咸交感也拇茂后反足大指也

腓房非反足肚也股音古

也股音古  
也昌容反  
也武杯反背肉也

恒常久也浚荀潤反深也

羞辱也

振動之速也

納約自牖終无咎。○九五坎不盈祇既平无咎。  
○上六係用徽纆寘于叢棘三歲不得凶。

離上 離下

離利貞亨畜牝牛吉。○初九履錯然敬之无咎。  
○六二黃離元吉。○九三日昃之離不鼓缶而歌則大耋之嗟凶。○九四突如其來如焚如死如棄如。○六五出涕沱若戚嗟若吉。○上九王用出征有嘉折首獲匪其醜无咎。

下經

艮下 兌上

咸亨利貞取女吉。○初六咸其拇。○六二咸其腓凶居吉。○九三咸其股執其隨往吝。○九四貞吉悔亡憧憧往來朋從爾思。○九五咸其脢无悔。○上六咸其輔頰舌。

巽下 震上

恒亨无咎利貞利有攸往。○初六浚恒貞凶无攸利。○九二悔亡。○九三不恒其德或承之羞貞吝。○九四田无禽。○六五恒其德貞婦人吉夫子凶。○上六振恒凶。

艮下 乾上

言正音讀  
遯 徒異反 退避也

勝 堪也 說解也

畜 許六反 好呼報反

肥 寬裕也

天 謂陽也

罔 无也 罔音低 藩籬也

羸 困也 決開也

覆 息浪反 易以豉反

晉 進也 錫賜也 摧罪雷反

龜 音石

夷 傷也

拯 之慶反 救也

遯亨。小利貞。○初六。遯尾厲。勿用有攸往。○六二。執之用黄牛之革。莫之勝說。○九三。係遯有疾厲。畜臣妾吉。○九四。好遯。君子吉。小人否。○九五。嘉遯貞吉。○上九。肥遯。无不利。

☰☷ 乾下 震上

大壯利貞。○初九。壯于趾。征凶。有孚。○九二。貞吉。○九三。小人用壯。君子用罔。貞厲。羝羊觸藩。羸其角。○九四。貞吉。悔亡。藩決不羸。壯于大輿之輹。○六五。喪羊于易。无悔。○上六。羝羊觸藩。不能退。不能遂。无攸利。艱則吉。

☲☱ 離上 離下

晉康侯用錫馬蕃庶。晝日三接。○初六。晉如。摧如。貞吉。罔孚。裕无咎。○六二。晉如。愁如。貞吉。受茲介。福于其王母。○六三。眾允。悔亡。○九四。晉如。鼫鼠。貞厲。○六五。悔亡。失得勿恤。往吉。无不利。○上九。晉其角。維用伐邑。厲吉。无咎。貞吝。

☷☲ 離下 坤上

明夷利艱貞。○初九。明夷于飛。垂其翼。君子于行。三日不食。有攸往。主人有言。○六二。明夷夷于左股。用拯馬壯吉。○九三。明夷于南狩。得其

打正音訓

易經上

疾亟也

大首不可疾貞○六四入于左腹獲明夷之心于出門庭○六五箕子之明夷利貞○上六不明晦初登于天後入于地

離上 巽下

闕防也

家人利女貞○初九閑有家悔亡○六二无攸

饋巨愧反 嗃呼落反 喜悲反 假更白反至也

遂在中饋貞吉○九三家人嗃嗃悔厲吉婦子

睽苦圭反乖異也 震息浪反

嘻嘻終吝○六四富家大吉○九五王假有家

勿恤吉○上九有孚威如終吉

兌下 離上

睽苦圭反乖異也 震息浪反

睽小事吉○初九悔亡喪馬勿逐自復見惡人

无咎○九二遇主于巷无咎○六三見輿曳其

擊昌逝反 劓魚器反則鼻也

牛掣其人天且劓无初有終○九四睽孤遇元

夫交孚厲无咎○六五悔亡厥宗噬膚往何咎

○上九睽孤見豕負塗載鬼一車先張之弧後

說之弧匪寇婚媾往遇雨則吉

艮下 坎上

蹇紀免反難也

蹇利西南不利東北利見大人貞吉○初六往

蹇來譽○六二王臣蹇蹇匪躬之故○九三往

蹇來反○六四往蹇來連○九五大蹇朋來○

上六往蹇來碩吉利見大人

碩音石大也

䷧ 坎下 震上

解佳買及釋也

解利西南无所往其來復吉有攸往夙吉○初

六无咎○九二田獲三狐得黃矢貞吉○六三

負且乘致寇至貞吝○九四解而拇朋至斯孚

○六五君子維有解吉有孚于小人○上六公

用射隼于高墉之上獲之无不利

射食亦及圍荀尹反

䷧ 兌下 艮上

損孫本及減省也

損有孚元吉无咎可貞利有攸往曷之用二簋

可用享○初九已事遄往无咎酌損之○九二

利貞征凶弗損益之○六三三人行則損一人

一人行則得其友○六四損其疾使遄有喜无

咎○六五或益之十朋之龜弗克違元吉○上

九弗損益之无咎貞吉利有攸往得臣无家

䷩ 震下 巽上

益增益也

益利有攸往利涉大川○初九利用為大作元

吉无咎○六二或益之十朋之龜弗克違永貞

吉王用享于帝吉○六三益之用凶事无咎有

孚中行告公用圭○六四中行告公從利用為

依遷國○九五有孚惠心勿問元吉有孚惠我

德○上九莫益之或擊之立心勿恒凶

☰ 乾 下兌上

夬古快反决也  
號戶羔反大呼也

夬音暮恤患也  
頤求龜反顛骨也

夬獨行敦反

次七私反且七  
餘反寬閑辨反

夬揚于王庭孚號有厲告自邑不利即我利有  
攸往○初九壯于前趾往不勝為咎○九二惕  
號莫夜有戎勿恤○九三壯于頄有凶君子夬  
夬獨行遇雨若濡有愠无咎○九四臀无膚其  
行次且牽羊悔亡聞言不信○九五苒陸夬夬  
中行无咎○上六无號終有凶

☰ 巽 下乾上

姤古豆反遇也  
取七喻反柅女履反  
羸力為反躡直益反躡直録反

杞音起

姤女壯勿用取女○初六繫于金柅貞吉有攸  
往見凶羸豕孚蹢躅○九二包有魚无咎不利  
賓○九三臀无膚其行次且厲无大咎○九四  
包无魚起凶○九五以杞包瓜含章有隕自天  
○上九姤其角吝无咎

☷ 坤 下兌上

萃音醉聚也萃  
下亨行文假更  
白反至也  
號戶羔反羸鳥學反

禴羊畧反

禴將池反涕土  
禮反漢他禮反

萃亨主假有廟利見大人亨利貞用大牲吉利  
有攸往○初六有孚不終乃亂乃萃若號一握  
為笑勿恤往无咎○六二引吉无咎孚乃利用  
禴○六三萃如嗟如无攸利往无咎小吝○九  
四大吉无咎○九五萃有位无咎匪孚元永貞  
悔亡○上六齋咨涕洟无咎

訂正音訓

易經上

○十四



升式陵及進而上也

亨讀作享

困窮而不能自振之義

株追輪反覲他歷反見也

紱音弗亨讀為享

疾音疾黎音黎

也剛音月去足也剛魚器反截鼻也剛音月去足也

井精領反穴地出水之處喪息浪反沆許訖反幾也緇音播緇也屬律悲及敗也瓶音萍汲器也射食亦反爾音附甕鳥貢反沒瓶也灑息列反不停汗也甕側救反結砌也甕音烈潔也改詩救反汲取也蔽蔽覆也

坤上

升元亨用見大人勿恤南征吉。○初六允升大吉。○九二孚乃利用禴无咎。○九三升虛邑。○六四王用亨于岐山吉无咎。○六五貞吉升階。○上六冥升利于不息之貞。

兌上 坎下

困亨貞大人吉无咎有言不信。○初六臀困于株木入于幽谷三歲不覲。○九二困于酒食朱紱方來利用亨祀征凶无咎。○六三困于石據于蒺藜入于其宮不見其妻凶。○九四來徐徐于金車吝有終。○九五劓刖困于赤紱乃徐有說利用祭祀。○上六困于葛藟于臲臲曰動悔有悔征吉。

巽下 坎上

井改邑不改井无喪无得往來井井汔至亦未繙井羸其瓶凶。○初六井泥不食舊井无禽。○九二井谷射鮒甕敝漏。○九三井渫不食為我心恻可用汲王明並受其福。○六四井甃无咎。○九五井冽寒泉食。○上六井收勿幕有孚元吉。

革音隔變革也  
九勇反固也

離下兌上

革巳日乃孚元亨利貞悔亡○初九鞶用黃牛  
之革○六二巳日乃革之征吉无咎○九三征  
凶貞厲革言三就有孚○九四悔亡有孚改命  
吉○九五大人虎變未占有孚○上六君子豹  
變小人革面征凶居貞吉

巽下離上

鼎丁冷反烹鉶  
之器元下吉衍  
文田尺遂反否  
悲已反又音婦

行下孟反塞悉  
則反

饋送鹿反形渥  
諸本作刑劉謂  
重刑也劉音屋  
絃玄典反貫耳  
以舉鼎者

鼎元吉亨○初六鼎顛趾利出否得妾以其子  
无咎○九二鼎有實我仇有疾不我能即吉○  
九三鼎耳革其行塞雉膏不食方雨虧悔終吉  
○九四鼎折足覆公餗其形渥凶○六五鼎黃  
耳金鉉利貞○上九鼎玉鉉大吉无不利

震下震上

震上慎反動也  
懼也說許逆反  
亞烏客反喪息  
浪反七必二反  
救亮反

躋升也  
泥乃計反滯溺  
也  
索桑落反嬰俱  
縛反

震亨震來虩虩笑言啞啞震驚百里不喪匕鬯  
○初九震來虩虩後笑言啞啞吉○六二震來  
厲億喪貝躋于九陵勿逐七日得○六三震蘇  
蘇震行无眚○九四震遂泥○六五震往來厲  
億无喪有事○上六震索索視矍矍征凶震不  
于其躬于其鄰无咎婚媾有言

訂正音列

艮下艮上

艮上艮下

艮根恨反止也

趾音止足也艮  
符悲反

限下簡反身上  
下之際即腰膈  
也列裂也實引  
真反齊也

漸慈再反進也  
于水涯也

磬音樂大石也  
衍音且反

陸胡氏程氏皆  
云當作達謂雲  
路也

跛波我反

眇妙小反

須待也愆過也  
遲待也  
良美好也幾音  
機近也

剗音奎割也

豐芳忠反大也  
假庚白反至也

訂正音訓

艮其背不獲其身行其庭不見其人无咎○初  
六艮其趾无咎利永貞○六二艮其腓不拯其  
隨其心不快○九三艮其限列其夤厲薰心○  
六四艮其身无咎○六五艮其輔言有序悔亡  
○上九敦艮吉

艮下  
巽上

漸女歸吉利貞○初六鴻漸于干小子厲有言  
无咎○六二鴻漸于磐飲食衎衎吉○九三鴻  
漸于陸夫征不復婦孕不育凶利禦寇○六四  
鴻漸于木或得其桷无咎○九五鴻漸于陵婦  
三歲不孕終莫之勝吉○上九鴻漸于陸其羽  
可用為儀吉

兌下  
震上

歸妹征凶无攸利○初九歸妹以娣跛能履征  
吉○九二眇能視利幽人之貞○六三歸妹以  
須反歸以娣○九四歸妹愆期遲歸有時○六  
五帝乙歸妹其君之袂不如其娣之袂良月幾  
望吉○上六女承筐无實士刲羊无血无攸利

離下  
震上

豐亨王假之勿憂宜日中○初九遇其配主雖

易經止

十七

旬均也  
音部障蔽也

沛一作旃謂幡  
幔也宋武蓋反  
小星也眩古弘  
反

闕窺同闕苦鵠  
反靜也

旅力舉反羈旅  
也瓊悉果反

射食亦反

馱道乃反馱以  
鼓反

巽孫問及入也

先西薦反後胡  
豆反

兌徒外反說也

商度也

旬无咎往有尚○六二豐其蔀日中見斗往得

疑疾有孚發若吉○九三豐其蔀日中見沫折

其右肱无咎○九四豐其蔀日中見斗遇其夷

主吉○六五來章有慶譽吉○上六豐其屋蔀

其家闕其戶闕其无人三歲不覿凶

離 艮下  
離上

旅小亨旅貞吉○初六旅瑣瑣斯其所取災○

六二旅即次懷其資得童僕貞○九三旅焚其

次喪其童僕貞厲○九四旅于處得其資斧我

心不快○六五射雉一矢亡終以譽命○上九

鳥焚其巢旅人先笑後號咷喪牛于易凶

巽 巽下  
巽上

巽小亨利有攸往利見大人○初六進退利武

人之貞○九二巽在牀下用史巫紛若吉无咎

○九三頻巽吝○六四悔亡田獲三品○九五

貞吉悔亡无不利无初有終先庚三日後庚三

日吉○上九巽在牀下喪其資斧貞凶

兌 兌下  
兌上

兌亨利貞○初九和兌吉○九二孚兌吉悔亡

○六三來兌凶○九四商兌未寧介疾有喜○

九五孚于剝有厲○上六引兌

兌下 巽上

渙亨王假有廟利涉大川利貞○初六用拯馬

壯吉○九二渙奔其机悔亡○六三渙其躬无

悔○六四渙其群元吉渙有在匪夷所思○九

五渙汗其大號渙王居无咎○上九渙其血去

逖出无咎

兌下 坎上

節亨苦節不可貞○初九不出戶庭无咎○九

二不出門庭凶○六三不節若則嗟若无咎○

六四安節亨○九五甘節吉往有尚○上六苦

節貞凶悔亡

兌下 巽上

中孚豚魚吉利涉大川利貞○初九虞吉有它

不燕○九二鳴鶴在陰其子和之我有好爵吾

與爾靡之○六三得敵或鼓或罷或泣或歌○

六四月幾望馬匹亡无咎○九五有孚攣如无

咎○上九翰音登于天貞凶

艮下 震上

小過亨利貞可小事不可大事飛鳥遺之音不

渙呼亂反散也  
假至也  
机音几

夷常也

汗謂如汗之出  
而不反也  
去起呂反  
湏當  
作楊

虞度也

燕安也和胡卧

靡與縻同

幾音機  
攣力專  
反

訂正音訓

易經上

二〇十一

戕音牆害也

置生領反

亨小當為小亨

喪息浪反拂方拂反

繼當作濡

禴女居反禴羊略反

汙許訖反幾也

震動也

宜上宜下大吉。○初六飛鳥以凶。○六二過其祖遇其妣不及其君遇其臣无咎。○九三弗過防之從或戕之凶。○九四无咎弗過遇之往厲必戒勿用永貞。○六五密雲不雨自我西郊公弋取彼在穴。○上六弗遇過之飛鳥離之凶是謂災眚。

離下坎上

既濟亨小利貞初吉終亂。○初九曳其輪濡其尾无咎。○六二婦喪其茀勿逐七日得。○九三高宗伐鬼方三年克之小人勿用。○六四繻有衣袽終日戒。○九五東鄰殺牛不如西鄰之禴祭實受其福。○上六濡其首厲。

坎下離上

未濟亨小狐汙濟濡其尾无攸利。○初六濡其尾吝。○九二曳其輪貞吉。○六三未濟征凶利涉大川。○九四貞吉悔亡震用伐鬼方三年有賞于大國。○六五貞吉无悔君子之光有孚吉。○上九有孚于飲酒无咎濡其首有孚失是。



上九首詩... 九二首詩... 九三首詩... 九四首詩... 九五首詩... 九六首詩... 九七首詩... 九八首詩... 九九首詩...

南

